

\*\*\*\*\*

## RAGAD ADVERTENTIE:

Kabar premili: 1 — 30 temboeng f 1.—  
Langkoengipoen, saben 10 temboeng oetawi  
kirang: f 0,50.

Advertentie limrah: f 0,15 sagaris:  
(apes: f 1,25).  
Moendoet kapatjak langkoeng saking sa-  
pisan, oetawi moendoet dados lengganan,  
teping rembag roemijin kalijan admini-  
stratie.

Hoofdredacteur:

B. SOEMARNA

kabantoe

REDACTIE - COMMISSIE.

\*\*\*\*\*

# SWARA-TAMA

## SERAT KABAR KATHOLIEK

### Medal saben dinten Djoemoewah.

\*\*\*\*\*

REGINIPOEN LENGGANAN

SWARA TAMA

sampoen kalijan regining Soeara Katholiek

1 taoen . . . . .	f 7,50	} njoewoen kabajar roemijin.
1/2 .. . . .	f 3,75	

Adrèsipoen Redactie lan Administratie

IGNATIUS-COLLEGE

DJOKJAKARTA.

\*\*\*\*\*

Drukkerij „Canisius” Djokja.

## ISINIPOEN:

Saking kita Roem — Adjar njèlengi — Dagang mawi patokan — Gesang rerajatan lan djagad social — Moentilan — Oelem — oelem katoer sad. K. W. ing Indonésiah — Sapisan engkas — Kirang nglegakaken — Tontoonstelling Mardiwara Serengan Solo — Film saking Solo enz. — Bab pakempalan — Saweg oengsoem ngrembag basa — Ontjèn sekar gambir melati — Oerap-sari — Correspondentie.

#### ANDÈRÈK NGOENDJOEKAKEN KOERBAN INGGANG SINOEOHEN KANGDJENG SINANTA RAMA.

Kala tanggal 30 woelan November 1929, éwon tjtjahing prija wanita toewin laré inggang sami irit-iritan, ndiidir ngebaki radinan, perloe sowan dateng Grédja Santo Pétroes. Awit ing dinten Ngahad poenika Ngarso dalem Inggang Sinanta karsa ngoendjoekaken koerban Mis Soetji perloe njoewoenaken berkah para Katolik akrab wewengkonipoen Grédja Santo Pétroes. Wiwit djam woloe doemoegi djam sedasa para inggang sami sowan éloer tanpa kendat.

Kinten-kinten djam satengah sadasa koela mangkat sowan sesaranga Rama tetiga, inggang kalih bangsa Djepan, sanèsipoen bangsa Litauer. Doemoegi ngaloe-aloeon ngadjeng Grédja, ombjaking tiyang kados grebegan. Sedaja sami nggre-met djedjel rijel oejel-oejelan mlebet Padaleman Soetji St. Pétroes. Konten ageng kalih kiwa tengen kaeklak, nanging dipoendjagi pradjoerit dalem bangsa Zwitser. Sedaja inggang mlebet kedah ngatoengaken kartjisipoen, déné inggang boten gadah kartjis kawangsoelaken dipoenawisi andèrèk Mis.

Sadateng koela ing Grédja, prassat sampoen boten wonten papan inggang sela. Toedjoenipoen ing ngrikoe boten wonten bangkoe oetawi gelaranipoen, dados namoeng adeg-adegan. Pramila senadjan kanti rekaos meksa inggih saged mijak ngoepados margi. Begdjanipoen koela sakantja saged ngedjègi papan satjelakipoen misbajh agoeng, dados saged namataken. Sakiwa tengen koela sampoen boten wonten marmering djogan inggang lowong. Déné inggang ngenggeni bangsa warni-warni, nitik anggenipoen pating kle-sik bebisik tjara Inggris, Fransch, Duitsch, Vlaamsch l.s.s.

Amrih sampoen seling serep, para maos kedah ngertos dateng watak-ipoen bangsa Italia, boten kéténg sakedik. Tjara Italia poenika manawi pinodjoewon wonten ing Grédja St. Pétroes, roemaosipoen kados-déné poeta dalem wonten ing kratoné ramanipoen. Pramila sami pating dladjig, tanpa adrijir terkadang anteng kitiran, ménga-méngo kanti mlèngèh oetawi ngginem inggang ndadosaken soeka-legawaning manah. Nanging wonten oegi inggang ngapoerantjang sembahjang sabra-jat sesarengan, salah satoenggal mbawa tesbèh oetawi litani. Saking agenging Grédja, toer katahing tiyang, tandang-tandoek inggang kados me-katen poenika kok boten ndados-aken sesandoenganipoen manah koela. Malah sok asring mranani, margi anggenipoen sami ndemenakaken moetra-radja tanpa sigan-sigoen. Kalijan malih, ing ngrikoe boten wonten bangkoeipoen kanggé djèng-kèng, toer Sakramèn Maha-soetji makoeuwon wonten ing misbajh, inggang boten adakan tebih saking misbajh agoeng.

Boten antiawis dangoe wonten swara saking panggoeng, inggang ngandaraken rawoeh dalem Inggang Sinanta. Sareng tjetjalingan pradjoerit pedjadjar mantjik ing djrambahing Grédja, para tiyang sami ndesoek, ngangseg, djindjit ndeng-ngangak. Nalika Inggang Sinanta katingal, sadaja sami keplok, soe-

rak-soerak, ngoewoeh-oewoeh: „Wi-dadaha Inggang Sinanta” sarwi ngawé-awé kanti katjoe oetawi topi.

Inggang Sinanta mengagem sarwa abrit, lenggah ing dampar kentjana inggang katandoe kapoendak prijan-toen pradjoerit, dipoendjadjari oep-sir tamtama lan ginarebeg para oela-ma loehoer sawetawis. Nalika midangetaken swaraning para poeta inggang sami atoe soeba, sarta mriksani polahipoen kadosdéné laré alit inggang sami pating djingklak, bengok-bengok minangka mbagèk-aken datenging bakapipoen inggang dipoenadjeng-adjeng, Inggang Si-nanta katingal kapranan, pasoeerjan mèsèm kanti rena, lan paring ber-kah ngiwa-nengen.

Sarawoehipoen ing altaar, Ngar-sa dalem ngagem boesana keprabon Mis Soetji, swaraning tiyang menda. Sareng Ngarso dalem wiwit sembahjang, para sowan tjep-klakep, ngapoerantjang ndèrèk ngoendjoek-aken Koerban, inggang binaroeng ing rerepènipoen para langan swara. Nalika klinting ngadjengaken con-secratie moengel, Grédja njenjet tanpa sabawa, Hjang Allah-manoeensa pribadi tedak ing altaar, kinoermatan Abdi Dalem Imam agoeng toewin para poeta Dalem, katjaosan pa-nembraning para pradjoerit troem-pèt inggang sampoen sami samekta wonten ing lotèng ngandap koepel ageng. Swaraning trompètalon, aloes, aroem, ngrangin, ngoemandang. Para pandèrèk nèm sepoeh sami katingal kapranan manahipoen.

Bakda Mis, ngidoeng Te Deum, kabawa langan swara, kawangsoelan para pandèrèk sadaja. Bibar Te Deum, Inggang Sinanta paring ber-kah, ladjeng pinarak ing dampar teroes katandoe lan kondoer nge-daton, dipoenkeplok lan sinoeba-soeba ing para poeta kados nalika rawoeh. Déné para inggang sami ndèrèk noenten bidalan medal sarwi ngrerepi kidoeng tjara Italia sesa-rengan. Koela sakantja mèh pèn-dèng, nanging saged andjog ing djawi kanti wilodjeng toer soeka legawa ing manah.

A.S.

#### PRADJA RAHAJOE.

##### ADJAR NJÈLengi.

Tijang sagedipoen dados dalang misoewoer poenika, waoenipoen adjar roemijin; tiyang saged maboer (mawi montor maboer) poenika waoenipoen adjar roemijin, tjekakipoen manawi tiyang badé anggadahi ka-langkoengan, poenika kedah adjar roemijin.

Bangsa Djawi oetawi ratjak bangsa Indonesia poenika misoewoer ang-genipoen boten saged njèlengi, mila jèn badé gadah kalangkoengan sa-ged njèlengi, kedah adjar roemijin.

Tijang adjar-adjar poenika jèn boten saking alit, angèl dadosipoen saged. Tijang Éropah inggang wasis ing moesik kadosta: Wagner, Mozart, Beethoven l.s.p., poenika wiwit alit sampoen adjar moesik.

Bokmanawi jèn njèlengi poenika njebal patokan, saged oegi sampoen sepoeh taksih saged adjar, anggeri-poen pikadjangipoen kentjeng. „Gelem ora gelem, akoe saiki njè-lengi.”

Inggang mesti kedadosan poenika manawi laré alit sampoen adjar njè-lengi. Lah wonten poendi lan ka-dos-poendi?

Inggang saé poenika wonten ing pamoelangan mawi dipoentoentoen déning goeroenipoen.

Ing ngadat laré sinaoe poenika dipoensangoni. Koela sampoen naté soemerep laré sekolah oemoer pi-toeng taoen, anak bakoel, saben din-tien dipoensangoni nem oetawi pi-toeng sèn. Jatra semanten waoe ma-nawi dipoentjèlengi sasèn oetawi kalih sèn, rak loemajan. Oepami dipoentjèlengi këmawon, kadoedah-ipoen jèn sampoen medal, dados sasampoenipoen klas gangsal, rak sampoen f 3,65 × 5 = f 18,25 oetawi f 36,50.

Mesti këmawon moerid poenika sangoenipoen katah inggang kirang saking 7 sèn sadinten. Nanging poe-nika boten dados poenapa, djalaran perloenipoen namoeng a d j a r.

Jèn moerid adjar njèlengi, kase-nenganipoen djadjan, oetawi ang-genipoen ndjadjani: saged soeda.

Temtoe këmawon adjar njèlengi wonten ing pamoelangan poenika mewahi pandamelan dateng goeroe, nanging rak boten dados poenapa, amargi goeroe poenika sanadjana boten sadaja dados djempolan mi-soewoer, éwasemanten kénging ka-wastanan djempolan, inggang ngoedi dateng adjenging bangsa.

Toemrap pamoelangan inggang tjelak kantor pos, arta tjèlengan pra-jogi kasimpen ing ngrikoe; angger moerid gadah boekoe pijambak-pi-jambak oetawi karéka tjara sanès, nanging goeroe inggang njimpen boekoenipoen.

Jèn pamoelanganipoen tebih kan-tor pos, goeroe inggang njimpen, nanging kedah priepen, sampoen ngantos kapendet oetawi kaanggé ing tiyang.

Pandoedahipoen jèn kados-poen-di?

Sampoen angsal kadoedah mana-wi badé kaanggé tanpa tandja ka-dosta: kanggé toembas mertjon. Ti-jang poenika jèn sataoen sapisan badé seneng-seneng, kénging këmawon; badé toembas mertjon inggih kénging, nanging mawi doegi-doegi prajogi.

Toemrap laré Katholiek, oepami badé tampi Kommoeni sapisanan, sandanganipoen sasaged-saged ing-gang saé, lah ing ngrikoe mendet arta tjèlengan, kanggé toembas san-dangan: inggih prajogi.

Mendet arta tjèlengan, badé kang-gé toembas ménda, perloe kaingah, poenika saé, ngalamat badé madjeng ékonominipoen.

Jèn wonten kasangsaran kados déné „Kawé Mose” laré-laré saged tetoeloeng.

Saking pamoedji koela, kataha pa-ra goeroe inggang roedjoek kalijan atoe koela, nanging sasampoenipoen roedjoek, koela atoei njobi. Mesti këmawon ing prakawis kados ma-katen kedah nganggé ngèlmoe pang-goela-wentah, kadosta oepami won-ten laré mlarat saèstoe, ladjeng boten saged njèlengi, sampoen ngantos kawirangan.

Poen: P. D.

#### DAGANG MAWI PATOKAN.

Tijang dagang poenika sedyani-poen: pados bati; saja katah, saja loemajan. Dagang poenika béda ka-lijan lotré. Lotré poenika saking begdja, wondéné dagang saking begdja nanging kakanténan patokan.

Patokanipoen inggang sapisan inggih poenika ngertos dateng lam-pah-lampahing padagangan.

Toemrap dagang ageng-ageng-an, kedah saged: maos, njerat, étang, basa-basa kadosta: Mladjeng, Wlandi, Inggris, Fransch, Djerman, ladjeng kawroeh ngèlmoe kodrat, ngèlmoe pamisah, ngèlmoe tetoewoehan lan kéwan, kawroeh deda-gangan oepaminipoen ngertos dateng wissel, koers lsp. Babadipoen pa-dagangan oegi perloe kasoemerepan, dados anggepok ngèlmoe boemini-poen padagangan, ngèlmoe bab tanah-tanah lan bangsa-bangsa, per-loenipoen ngertos dateng madjeng moendoering padagangan, kadosta: Roemijin Genua poenika soegih sanget, margi dados poesering pa-dagangan, sareng Koempeni saged dateng India pijambak, ladjeng ka-soegihanipoen soeda.

Jèn tiyang ngertos: „Bijèn kingono,” dados saged nginten-nginten: „Bé-soek ki èmpèrè ja ngono.”

Kadjawi kawroeh-kawroeh ing nginggil, kedah ngertos dateng ang-ger-anger padagangan, dados oepa-mi kintoen barang, mangka barang waoe wonten ing margi risak, la-djeng ngertos, sinten inggang karoe-gèn, inggang sadé poenapa inggang toembas.

## RETRÈT.

Béndjing sijam ing Moentilan badé ngawontenaken retrèt mawi basa Dja-wi. Wiwit tanggal 24 Februari (Senèn Sonten) doemoegi 27 Februari. Wra-gadipoen f 3.—

De Rector

van het XAVERIUS - COLLEGE.

Inggang langkoeng déning perloe poenika ngertos dateng sadaja ing-gang magepokan kalijan barangipoen kadosta: panjimpnipoen, reginipoen, kanggénipoen lsp.

Woesana kedah ngertos bab ang-genipoen ngetjakaken kadosta: nim-bang, mboengkoes, ngintoenaken, damel wara-wara lsp.

Kedjawi anggadahi kawroeh, da-dos ngertos poendi panggénan ing-gang kedah dipoenbroki moerih laris lsp., taksih wonten patokan malih inggih poenika: saged ngladosi angger tiyang lan awatek temen.

Sarèhné bangsa Indonésia inggang soegih kawroeh kados inggang ka-seboet ing nginggil dèrèng katah (malah bokmanawi dèrèng wonten), mila béndjing teroesipoen koela badé ngrembag tiyang dagang alit-alitan. Sapoenika samanten këmawon roe-mijin.

„JÈN KOBER.”

## LARASATI.

### Gesang rerajatan lan djagad Social.

Wewenang lan wadjibipoen tiyang sepoeh dateng anak.

Manawi laré sampoen wiwit saged goeneman, wadjibipoen bijoeng Kath. inggang moersid moelang dateng anakipoen bab sembahjang. Laré ing wiwitan inggang kadoetjapaken piteboengan boe, mbok lan pak. Sanalika ngrikoe oegi ladjeng kagla-dia ngoetjapaken Asma Dalem Goesti Allah, inggang djoemeneng Rama (bapak), Asma Dalem Goesti Jésoes lan Iboe Dalem Dèwi Marjah, ing-gang djoemeneng Iboenipoen tiyang sadaja, dados inggih Iboenipoen laré waoe. Swarga inggang minangka gandjaranipoen tiyang inggang ngabdi Pangéran, katjritakaken dateng laré; makaten oegi Malaékat pamomong, soepados laré wiwit alit sampoena mangertos, bilih wonten ing poen-di-poendi tansah dipoenoelet-oelat-aken (dipoen-djagi).

Manawi sampoen doemoegi titi mangsanipoen laré kalebetaken sa-kolah, tiyang sepoeh kedah ichtijar pados sakolahan Katholiek; awit ing ngrikoe laré saged angsal woelangan manoe kaantepan Kath. ing ngrikoe sadaja piwoelangadedasar Katholiek. Ananging tiyang sepoeh boten kénging ngétja-étja, boten poeroen toemoet-toemoet, doemèh laré sam-poen pikantoe woelangan wonten ing sakolahan oetawi ing sadjawi-ning sakolahan; inggang makaten poenika boten kénging; awit kados inggang sampoen koela andaraken roemijin, mila tiyang sepoeh ta ing-gang nomer satoenggal, nggoela-wentah laré; sanèsipoen namoeng sadremi tetoeloeng, samangsa tiyang sepoeh karépotan.

Poenapa sebabipoen tiyang Kath. kedah njekolahaken anakipoen da-teng ing sakolahan Katholiek? Para sadèrèk; atoe koela boten badé pa-djang. Kawoeningana: sakolahan né-tral oetawi sakolahan inggang babar pisan ngemohi Agami Kath., poenika boten dipoenkersakaken Pasamoewan Soetji. Sebab poenapa - poenapani-poen nama soelaja kalijan Agami,

kaantepan toewin piwoelang rèh Kath. Kerep këmawon inggang di-poenwoelangkaken inggih boten sala-ras kalijan kadoetamèn. Poenapa ma-lih laré Kath. sesrawoengan kalijan dédé Kath. poenika boten saé, poe-nika moetawatosi kanggénipoen ka-soesilan.

Kedjawi poenika boten kirang sa-kolahan nétral inggang sami kéma-won kalijan sakolahan inggang nge-mohi Agami Kath. Oepami këmawon: ing ngrikoe wonten rembag bab Goesti Jésoes saha Pasamoewan Soetji (manawi dong woelangan babad); inggang moelangaken boten (poeroen) ngakeni, bilih Goesti Jésoes poenika Goesti Allah, toewin Pasa-moewan Soetji poenika jasan Dalem, malah namoeng tjirjos: emboeh akoe ora weroeh; lah inggang makaten poenika sampoen nama njélaki lan ngemohi Goesti, manoe pangandi-ka Dalem makaten: „Sing sapa ora mèloe Akoe, ikoe padané ngemohi Akoe.”

Laré kedah dipoenpitoetoeri ngi-tjali padatan inggang kirang saé. Ma-lah roemijinipoen tiyang sepoeh wadjib ndjagi, sampoen ngantos laré gadah padatan awon: oepaminipoen nep-soe, wangkod, ora mbangoen mi-toeroet, mangani, ngadi-adi lan sa-nèsipoen. Soepados laré sampoen gadah watak mangani, wiwit alit dipoendjagi, sasaged-saged dipoen-pesti wantjinipoen neda. Saepami laré samangsa neda tetedan kalijan nangis, teroes dipoensoekani kéma-won, poenika boten saé; laré badé oe-goengan lan nggragas, woesana ma-nawi sampoen gadah watak makaten, angèl anggénipoen ngitjali. Inggang noeroeti panedanipoen anak, badé damel awoning anak, nama boten tresna sanjata. Jèn wonten perloeni-poen tiyang sepoeh kedah njrengeni, ngoekoem lan sapanoenggilanipoen.

A.

#### W. K. MOENTILAN.

1. W. K. Parepatan warga 19-1-30 karawoehan rama G. A.
- a. Ngabari-bilih W. K. Moentilan kaparingan dana Rama Hellings f 25— matoer noewoen.
- b. Moetoes:
  1. Andjoemenengaken S. Theresia, Tjèti Dalem Sang Kristoes, da-dos pangajonaning W. K.
  2. Mitoeloengi pakempalan P. L. toemrap pangopakaraning la-jon, langkoeng-langkoeng lajon èstri, toewin dateng sok tiyanga inggang bejah pitoeloengan; ...!
  3. Damel tjabang: O. K. K.— Oe-baling Katresnan Katolik, pa-kempalan poenika kapérang da-dos 2.
- pérangan sapisan: koewadjiban sembahjang sasagedipoen moe-rih martobating sadèrèk Djawi, lan noeladani saé dateng sok tiyanga.
- pérangan inggang kaping kalih, andèrèk mitoeloengi moelang Rama Pastoor, kanggé toela-dan !!
3. Mevr. Martasoedarma anggantos dados: com: nggentosi Mevr. Martaatmadja (Andreas) inggang pindah Malang.



OELEM? KATOER PARA SADÈ-  
RÈK WANITA KATH. ING  
INDONESIA.

Sasampoenipoen ingkang kadya poenika pakempalan W. K. ing Ngajogja ngroemaosi kesèkènganipoen, boten ketjonggah badé madjeng pijambak. Ingkang makaten waoe pramila koemawani adjak<sup>2</sup> pandjenengan sadaja, kados-poendi rékadajaniipoen kita saged madjeng.

Ing bédjng dinten Ngahad tanggal 9. Februari 1930. W. K. badé ngawontenaken pepanggihan (conferentie) kalijan pandjenengan sadaja sadèrèk Wanita Kath. ing sanès panggènan.

Moegi sami kersaa ngrawoehi oetawi ngintoenaken oetoesan dateng Ngajogja perloe ngrembagngrembag adjenging bangsa kita wanita.

Ingkang badé karembag:

1. Pamboeka.
2. Sesorah: padoea Rama Sträter.
3. Sesorah sadèrèk<sup>2</sup> wanita.
4. Ngrembag: statuten.
5. Pitakènan.

Para tamoe oegi dipoensadijani papan pondokan wonten ing dalemipoen 1. sadèrèk C. Moerdadmatja — Margajasan. 2. Sad. R. Sastrawinoto. — Gading. 3. Sad. Tr. Soepijah. — Pakoe-Alaman. 4. Sad. F. Oetjo — Langenardjan. 5. Sad. J. Soegiri — Koemetiran.

Ingkang sami badé rawoeh kersaa maringi kabar sakdèrèngipoen tanggal 6. Februari dateng Mevr. Soegiri — Koemetiran. Ngajogja.

Wiwitipoen pak. djam 8.30. éndjing ing gedong K.S.B. Kota-Baroe. Pangreh W. K.

KOEROE SÈTRA.

„SAPISAN - ENKAS.”

1. Wonten ing pepanggihanipoen: S. O. Moentilan dalah goeroe-goe-roe ing djadjahanipoen. Ingkang Wedana ngandakakaken, bilih K. T. Resident mrjojèkaken soepados sekolahan-sekolahan Doesoen sami lengganan koran Kedjawan — pamrajogi waoe loemantar prijan-toen B. B.

Koela wani mestèkaken bilih, pamrajogi waoe badé katampi kanti bingah —; Koela pijambak inggih toemoet bingah, awit:

a. Wiwit alit ginagoelang maos, poenika temtoe boten kirang prajogi bédjng ing tembenipoen.

b. Taksih kekirangan kawroeh kok dipondjogi „lédeng seserepan, toer saking B. P.” mila matoek sanget, saé malih, temtoenipoen wasosan waoe badé loemembar dateng doesoen, toemoelaripoen — mahanani saé.

c. Nanging . . . . ., para sadèrèk waoe taksih kirang seserepan, gampil pitadosipoen dateng: poenapa isinipoen.

Wasan poenika sampoen kaprajogèkaken ing B. B., temtoe: kaanggep saé, leres, dipoenoeit.

Margi poenika: moegi-moegi itjala isi-isi, ingkang lekoh — soepados boten nama: moelang saroe.

Ngitjalana kelahiripoen: panjéda toemrap golongan, soepados boten nama: midjèni pisengit, djer temtoe inggih soemerep bilih saben tilang oetawi saben pamaos serat Balé Poestakan béda-béda kaantepanipoen.

2. SWARA-TAMA.

Sagedagan poenika rembag Sw. Tm. ketingal ngangseg — badé sami njaèkaken; rembag koela:

Betah kasaèkaken . . . . ? betah.

Nijat saèstoe . . . . . nijat.

La, sapoenika, sinten ta ingkang gadah Sw. Tm. poenika . . . ? poenapa tilang-tilang Katoelk? poenapa P. K. W.? poenapa satoenggiling Prijantoen?

Manawi gadahan kita — mangka nijat badé njaèkaken — temtoe boten awrat, toembas: „aandeel,” sokoer „dana” kanggé ngwontenakri: pawitan rak inggih ta . . . ? Mas: Har-djasoebrata? C. Ordeeka!

Manawi njata gadahan kita, kita saged nganggé sakdjeng kita tanpa karèh sinten-sinten, kadjawi: nolèh: pirem bag saé.

Poenapa gadahanipoen P. K. W. — atoe koela, boten: „tilang-ipoen” P. K. W. nanging: P. K. W.-nipoen — ladjeng, rembag koela, „P. K. W. ! Mangga Toemandang !!!

Poenapa gadahanipoen satoenggiling Prijantoen? Jèn makaten gampil, kita pamaos Sw. Tm.: doedoek prèi” poeroen inggih ladjeng, boten poeroen inggih sampoen mogok!

É, la, ngadjak ora omah!! mila makaten, nanging manawi sami kersa manggalih saèstoe, ngantos ketjepeng, oenderaning rembag, temtoe badé prajogi kedadosanipoen !!

— Sing sapa manoe diteloengi, ikoe ora ngoendakaké pinter, nanging:

\* Poenapa inggih makaten noen? S.

moewoehi bodoné —.

Moegi-moegi rembag-rembag ingkang sampoen, angedalna woh, ingkang boten namoeng awoedjoed „abab” ingkang boten kasat mata, wangsoel kènginga dipoentingali.

Poendi, ketingalipoen: Opvoeding tot autonomie?

TJANTRIK-KEBONSARI.

KIRANG NGLEGAKAKEN.

Koela dipoentjrijosi sadèrèk koela poen S. jèn pijambakipoen kirang langkoeng tanggal 19 woelan Desember 1929, kintoen serat dateng Balé-Poestaka neda proefnummer Kedjawan lan Pandji Poestaka toewin catalogus serat-serat ing Balé-Poestaka. Ingkang pangangkah sadèrèk S. waoe ladjeng badé wiwit dados lengganan ing wiwitaning taoen 30 poenika samangsa saged tjotjog, poenapa déné betah sanget toembas boeko-boeko saking B. P. Nanging ndadosna kawoeningan dipoenntosi doemoegi Januari dèrèng wonten katranganiipoen, satemah gela, mèh itjal pangadjeng-adjengipoen. Wasana kala tanggal 19 Januari 1930 djam 6 sonten tampi kintoenan saking Balé-Poestaka poenapa ingkang dados panedanipoen. Tamtoe kémawon sadèrèk koela waoe bingah lan matoer noewoen sanget dateng Balé-Poestaka. — Ananging kados-poendi sadèrèk? kok semanten dangoenipoen? Poenapa ngriki—Betawi kémawon ngantos sawoelan? Poenika sanjata nama kirang nglegakaken. Poenika kedah dipoenmantoeni! Poenapa ingkang dados seabapien? Poenika koela pijambak kirang terang, namoeng saking pandoei koela pijambak namoeng margi kirang corect — soekoer jèn boten! Poenapa margi saking katahng pandamelan?\*) Koela pitados, jèn pandamelan ing B. P. katah sanget, toempoek oendoeng, matoempa-toempa tanpa tèmpe, nanging pitados oegi jèn ingkang nindakaken boten sakedik lan boten bodo. Mila pangadjeng-adjeng koela pandamelan ing B. P. sageda corect, tjepet, nglegakaken manah. Wasana manawi wonten lepat koela sampoen kirang pangapoenten. Sarta manawi badé mangsoeli, nge-moengna wonten ing Sw. T. dados koela soemerep.

Koela ingkang ambeg tjemantaka DE KOESIR.

V A R I A .

TETNOONSTELLING „MARDIWARA”  
ING SERENGAN, SOLO.

Kala dinten Ngahad 26-1-’30 poenika pamoelangan èstri „Mardi-wara” gadahanipoen pak: Melania ngawontenaken 1e. tentoonstelling ngatingalaken dedamelanipoen moerid-moerid toewin goeroe-goe-roenipoen, makaten oegi pratik-pratikipoen i. p. olah-olah, njerat, handwerken, njetikla lan sanès-sanèsipoen.

Ingkang dipoenoelemi katah sanget, kedjawi para tilang sepoehing moerid, inggih para goeroe-goe-roe Standaardscholen lan H. I. S. ing Solo: (sami nganti moerid-moeridipoen èstri). C. C. Solo tampi speciale uitnodigingsbrief. (matoer noewoen C. C. Sl.) Sadaja ingkang ngrawoehi tentoonstelling waoe, dalah moerid-moerid ± wonten 600. Sadèrèngipoen tentoonstelling kabikak, kapotrèt. Padjangan, pasadja, nanging „Smaakvol”. Kinten-kinten djam setengah sadasa sasampoenipoen rama C. Versteeg rawoeh, tentoonstelling kabikak déning Mejuffr: Th. Soelbirah kanti atoe pambagja, nerangaken toedjoening tentoonstelling, lan njrijosaken kados-poendi sagedipoen ngadjengaken pamoelangan poenika i. p. srana samenwerking lan para tilang sepoehing moerid. Para tamoe kénging moendoet barang-barang ingkang katingalaken, nanging dèrèng kénging kapendoet, bédjng sekaten of tetoonstelling sanèsipoen malih; dados sapoenika ngetjèp kémawon.

Bibar poenika „Sekar Laras Madya” katoentoen déning Mej: Th. Soelbirah; saé sanget, wosipoen ± sami kalijan pamboeka kaseboet nginggil.

Let sakedap rama Pastoor H. Koch lan rama J. Schots rawoeh; lan moendoet soepados sekar kaambalan sapisan engkas.

Bibar poenika para tamoe katoeran mriksani dedamelanipoen moerid-moerid toewin goeroe-goe-roe kaseboet nginggil; saé-saé, boten ngoetjiwani; ingriki wonten ingkang pantes kiti tjenggoelaken ing pandjenengan sadaja i. p. katingal bilih „Mardiwara” nengenaken dateng kagoenan Djawi, nedya me-

\*) Poenika mbokmanawi seabapien ingkang njata. Red.

moelih loehoering kagoenan tilanipoen leloehoer kita; tjantèlan béd, dasi, theemuts, wandversiering, katjoe sami déné batik, saé-saé. Barang-barang sanèsipoen inggih katah, nanging tjara kilènan. Bibar saking panggènan barang-barang, toeroes dateng panggènan practijk; njetikla, njemoer, handwerken, njerat (mbatik). Wonten olah-olah ingkang sampoen mateng, pepak-sanget, ménginaken; ingkang ngitjipi kénging; malah wonten ingkang dokoh, toeroes tjek ngasta piring, séndok porok, dak-doe, mangka anggenipoen dahar kanti ngloetjoe, dasar prijan-toenipoen goeroe, adamel regenging feest. C. C. Solo oegi toemoet ngitjipi; miraos! Para tamoe sanèsipoen toeroes moebeng-moebeng ing sakaparengipoen.

Kinten-kinten djam 11.30. bibaran; para tamoe sami kondoer, lan katingal sami boten katjoewan; makaten oegi para ingkang ngégoehaken feest. waoe, namoeng temtoenipoen sami „ke—sel”.

Moegi-moegi andajanana, kados déné ingkang kinadjengaken.

C. C. Solo.  
HERCULES.

FILM SAKING SALA.

Samenwerking lan werkver-deeling.

Sadèrèngipoen koela soeloek oetawi ndjantoe, kjai dalang badé matoer roemijin: Boten sedy badé mamèraken kasoegihanipoen Solo bab pakempalan, saloegoe namoeng badé ndalang, bok bilih film waoe saged damel renaning para maos, soekoer bagé dados tepa paloeopi. Film Katholiek ing Solo wonten tilang djedjeran inggih poenika:

1. Katholika Wandawa (K. W.)
2. Pakempalan Politiek Katholiek

VAN LITH-STICHTING

MADJENGING

Van Lith-Stichting

goemantoeng saking

PANDJENENGAN SADAJA.

Bestuur V. L. S.  
Bijz. H. I. S.  
MAGELANG.

Djawi (P. P. K. D.)

3. Maria Congregatie.

Djedjer 1. K. W. poenika pakempalan social menggah bab toedjoe lan dedasariipoen para maos tamtoe sampoen boten kekilapan. Poenika wonten jejasanipoen, katjeta ing ngandap:

a. Pangroekti laja, poenika bebada jasan K. W. ingkang kedah ngrembag bab kasripahan. Djer sadèrèk ing Solo kerep sanget ketaman. Manoeit verslag jaarvergadering Minggoe 19-1-’30 ing salebetipoen sataoen kesripahan laré 9 tilang sepoeh 1. Wedaling wragad ± f 203 éwasemanten saldo ing kas taksih f 58,36. P. L. ing Solo kagadoehan siti koebroer saking Parochi Solo ingkang kagadoehan saking Pamarentah ing Soerakarta.

b. Karta loemaksa; poenika jasan K. W. ingkang ngrembag babagan financiën.

c. Wanita Katholiek (W. K.) jasan K. W. kring wanita ngrembag babagan social.

d. Pakempalan goeroe Pamoelangan Katholiek (P. G. P. K.) ing Solo, ingkang ngrembag babagan onderwijs.

b. Zelateur van Lith Stichting, ingkang miteloengi padamelanipoen van Lith Stichting ingkang dedalem ing Magelang.

f. Zelateur Roekti Woeri, ingkang noeloengi padamelanipoen bakjoe Roekti Woeri ingkang dedalem ing Ngajodja.

Djedjer 2. P. P. K. D. Sedy lan dedasariipoen oegi sampoen axioma, teges, para maos sampoen pirs. P. P. K. D. gadah poetra kekalih:

a. Studie Club bebada ingkang kadjabah njinaoe lan ngedalaken saha debat-debatan babagan politiek, onderwijs lan theorie social ingkang pigoenanipoen toemrap para warga saha pang P. P. K. D. Solo ageng sanget. Lezing ingkang sampoen kagjaraken:

1. Hoe onze toestand is en hoe de toekomst voor ons zal zijn.
2. Chineesche gelijkstelling.

SAWEG OENGSOEM NGREMBAG BASA.

Sagedagan poenika kok sadjaki-poen dedreg sanget rembag prakawis basa, inggih basa ngamantja, inggih basa tanah kelahiran kita pijambak alias basa Djawi. Ing Sw. tama ngriki Ki Patjar Mérah ingkang miwiti ngrembag basa ngamantja, dalasan basa Itali inggih boten kantoen; anamoeng kémawon sareng kapendet wosipoen (dédé koela 10, ingkang njekak. P.) teka ladjeng malih basa Latin. Anèh inggih sadèrèk? Badé priksa doenoenging rembag poenapa? O, koela boten badé adjoewèh; agrètèh; namoeng ngengkoki wontenipoen ngrikoe? Makaten ta . . . . Wonten ing Pers-overzicht tg. 18 Januari No. 3 katja 66, ingkang ngrembag Sw. Tm. . . . „Vooral verdient aanbeveling, dat zij (redacteurs) Latijn kennen, opdat zij de berichten in het door het Vaticaan uitgegeven blad Osservatore\*) zelf kunnen vertalen en overnemen” . . . . .

Mangka ing karanganipoen sad. P. M. boten wonten ingkang njebat-aken, bilih para redacteur prajogi ngertos basa Latin. Ananging . . . (tjoeplikan saking orèhanipoen Ki Patjar Mérah) sagedipoen makaten, manawi koela sami mangertos: basa Itali. Déné manawi poenika ingkang dipoenwastani basa Latin déning Persoverzicht, inggih soemangga; sanadjan poenika raji klintoe sakediilik. Sebab basa Latin poenika déné basa Itali, basa, ingkang kanggé gineman tilang Itali sapoenika. Nanging rak wonten èmpiripoen ta?? Kasinggihan. Kados déné basa Djawi sapoenika wonten èmpiripoen kalijan basa Djawi kina, makaten oegi basa Itali ngèmpiripoen basa Latin. Ananging poenika boten ateges: oeger ngertos basa Latin, ladjeng toeroes ngertos basa Itali; saminipoen tilang Djawi sapoenika kémawon, manawi boten sinaoe, inggih boten karang-karangan saha kaangkah ngatoet lan djamanipoen.

Djedjer 3. Maria Congregatie, sedija, dedasar lan pigeonanipoen sampoen tjeta, gadah jejasan: Padvinderij nama „de Morgen ster” dedasar lan gelaripoen padvinderij para noepiksa genah boten kekilapan.

Tanpa gara-gara, djer dalang Solo.

Kawontenanipoen film kempalan ing nginggil nélakaken bilih ing Solo pantjèn boten wonten ingkang nganggoer sadaja toemandang ing damel.

Ngèngeti: andoem padamelan lan njamboet damel sesarengan, kaangkah ing sasaged-saged sampoen ngantos wonten pangreh ingkang ngrangkep padamelan.

Gantos filmipoen sadèrèk Katholiek Walandi namoeng koela tjekak kémawon djer mindak mboseni kempandjnging film:

a. K. S. B. poenika saminipoen K. W.

b. I. K. P. poenika saminipoen P. P. K. D.

c. I. K. O. B. poenika djèdjèri-poen P. G. P. K. namoeng

d. Sint Elisabeth vereeniging, jèn boten klintoe poenika pakempalanipoen sadèrèk militair.

e. Pang Sint Melaniawerk.

Film sampoen telas, déné sadèrèk Katholiek Djawi lan Walandi ing Solo jèn wonten perloe oegi saged njamboet damel sesarengan oepami

1. Nalika mahargja badé tindaki-poen Padoeka Rama R. P. Hoevenars dateng Semarang.

2. Mahargja tingalan 50 taenan dalem Ingkang Sinoehoen Kangdjeng Santo Rama djoemeng Imam.

Tantjèp kajon.

Taklim  
C. C. Sl.  
PANTJER.

Serat Pararaton: Ibu, wonten duhungira bapa antukipun Gandring akarya, ingsun-tedanipun ibu. Poenapa boten katah èmpiripoen?

Koela raji njlèwèng saking rembag koela; sapoenika kateroesaken. Sadèrèk Pélo inggih ngroedjoei wontenipoen pasinaon basa ngamantja, ananging raji ngetingalaken koe-watosipoen, bokmanawi boten wonten ingkang énggal sengkoed toemandang. Lan samangsa sampoen ngajati, saged oegi boten toeroes, awit ngrembag, kadamel poenapa ngertos basa ngamantja, langkoeng-langkoeng basa boten saged andatengaken ingkang dipoenwaos, sebab prakawis economie randat. Roedjoei, akoor, kalijan sad: Pélo. Andandosi economie perloe sanget; mila nggegoelang poenika roemijin, sanèsipoen badé boten kantoen.

Sapoenika basa Djawi poenapa inggih saged kadamel pasadja?? Ngrembag makaten poenika kedah ngertos sebab-sebabipoen. Kadamel ngoko? poenapa krama? Ing conggrès Java-Instituut nembé mangké poenika wonten rembag: basa Djawa kagawé pasadja, krama. Wonten ingkang boten ngroedjoei; awit tjarijosiipoen ladjeng ngawontenaken raos kirang andap (minderwaardigheidsgevoel); oepami kadamel ngoko? Djawa Dipa? Roemijin kados sampoen wonten ada-ada makaten. Wonten toemoesipoen poenapa boten?? Oepami boten ngoko, krama, kados-poendi? . . . . Ladjeng tjara Djawi kina. Tjebi kapiirengna: Radèn Widjaja moendoet priksa: „Gajah Pagon kawaça sira lumaku, lamun tan kawaça, lan pada angamuk”. Atoeripoen kang dinangoe: „Kawaça manira, pangeran, anging alonlonan”. Poenapa poenika boten sakétja kapiirengaken?? Ewasamanten mangsa borong para noepiksa. Noewoen.

PARARTA.

\*) Poenika serat kabar nganggé basa Itali. Red.

BAB PAKEMPALAN KITA.

Manawi nitik embjaking pakempalan kita, ingkang toedjoenipoen mawarni-warni oegi, manah koela sampoen radi marem (malah oegi sampoen marem). Kemaremaning manah koela poenika, kasebabaken déné kita kaom Katholiek boten poeroen kantoen lan ombaking djawi. — Namoeing wonten tjowaning manah koela sakedik, déné ingkang sami nggregoet waoe kok namoeng sadèrèk-sadèrèk ingkang wonten ing Missie kémawon ratjakipoen. — Déné pangalem koela dateng sadèrèk K. ingkang wonten ing djawi, inggih boten kantoen. — Nanging sadèrèk K. ing djawi boten potosa katah ingkang sami manggalih. Poenika émanipoen.

Noewoen sadèrèk, keparenga koela ngedalaken angen-angen koela ingkang sampoen lami kakandoet.

„Bisané pakoempoelan ikoe mi-goenani:

1. Bestuurs lan lidé pada njamboet gawé kanti temen-temen.
2. Jèn katon ana wohé.
3. Gedé kekoewatané (doewité).
4. Kentjeng actiené.
5. Ora wedi ing sabarang prakara kang dadi beneré.
6. Panoentoenè akèh kang peng-pengan (djempol).

Mila panjoewoen koela dateng para sadèrèk langkoeng-langkoeng dateng P. P. K. D. miwah dateng pakempalan kita sadaja, samia kaodi sagedipoen kaleksanan wiwit no. 1 t/m 6 poenika! Jèn poenika sampoen katjekapan, ing rikoe pakempalan kita mesti badé haroem gandanja.

Déné lampah ingkang saé, saking wawasan koela, inggih poenika para sadèrèk samia ngijataken pakempalan kita ingkang apearap: van Lith-stichting; ing rikoe margi kita nggajoe sub 1/6 lan nggajoe ing kaloehoeran. — Mila para sadèrèk ingkang dèrèng dados warganing v. Lith-stichting, toemoentena énggal mlebet; soepados énggal kasembadan antjas kita. — Amin. —

B. SOESISWO.

CORRESPONDENTIE.

Abn. No. 412 B. S. Gringsing, koela atoe-ri mriksani correspondentie ing Sw. Tm. No. 4. Abn. No. 386, kita sampoen njantoeni wiwit tampi; badé kaeroes. Kita sampoen tampi paringipoen f 7,50; matoer noewoen. Karangan ingkang dèrèng saged kapatjak, koela atoe-ri njrantosaken.



— 0 —

- O -

teulang katjingkrangan ing bawana  
Tawangarsi sarana ririgen oepami  
kadawoehan njamboet damel èntèng  
andandosimargi sasaminipoen, kanti  
bajaran f 0,40 sadinten. Nanging  
arta 40 sèn waoe boten kaparing-  
aken woedjoed arta sadaja, ingkang  
f 0,25 kawoedjoedaken teda, déné  
ingkang f 0,15 kaparingaken arta.  
Pratikel makaten poenika saking  
karsa dalem soepados arta waoe  
boten katandjakaken sanès preloe  
kanggé toetoembas sanèsipoen te-  
tedan. (*Sedyà Tama*).



M. v. BIENE.

Toekang herlodji  
dan Toekang emas.

Adres jang  
moerah

DJOKJA

BANDOENG

Telf. 252

Telf. 226

boeat LONTJENG, HER-  
LODJI dan PERKAKAS  
EMAS.

Pembatja

SWARA TAMA,

dengan bawa lembaran  
Swara Tama

dapat POTONGAN.

PAKOLÈH TOER LOEWESAN  
SAÉ TOEWIN AWÉT  
INGGIH NAMOENG  
MERK GAZELLE  
INGKANG AWOEDJOED  
ALCYON  
DUNLOP } RIJWIELEN  
R. I. W.

Nitjil kénging! – Kentjèng soekoer!

GAZELLE HUIS – ROEMAH GIDANG  
MALIOBORO – DJOKJA – TELF. 508.

KALAU BELI OBAT - OBAT

DJOKJA

DJOKJA

mémang tiada maoe pakai per-  
tjoema, melainkan boeat djaga  
keséhatan. Tetapi kalau tiada te-  
rima obat jang selamanja baroe  
dan paling baik, lebih pintar  
Djangan beli sama sekali.

Obat-obat keloearan roemah<sup>2</sup> obat

MALIOBORO „RATHKAMP” MALIOBORO

soedah terkenal berapa banjak  
poeloehan tahoen dan bisa dapat  
beli dimana-mana tempat. Kalau  
dapat beli tjap

DJOKJA „RATHKAMP” DJOKJA

tangoeng beli jang paling baik.  
Djaga tjap „RATHKAMP”  
dan „ERCEE”

DJANGAN TERIMA BARANG JANG BARANGKALI KOERANG BAIK.

SAWEG MENTAS AMBABAR.

Boekoe : PANGANGEN - ANGEN KANG-  
GÉ SABEN DINTEN.

Soegeng saha piwoelang Dalem Kang-  
djeng Goesti Jésoes Kristoes.

Djilidan I ..... 500 katja

namoeng regi f 1,25 fr. i. p. f 1,45.

Kénging toembas dateng:

a. Pasteran Kotabaroe Ngajogjakarta.

b. Kantor Swara - Tama

c. Drukkerij Canisius

Toko DJOEN & Co., Djocja.

PATJINAN MOEKA TOKO FUJI – TELF: No. 374.

Adres jang paling moerah dan paling baik  
boewat pembikinannya.

ROTIE-ROTIE, KOEWEE-KOEWEE dan  
BESCHUIT-BESCHUIT KERING.

SROETOE-SROETOE dan ROKOK-  
ROKOK, jang haloes dan kasar.

Djoega slamanja djangan loepa minoem kita  
poenja KOFFIE BOEBOOK, jang speciaal die  
giling dengan machine Electrics, bisa giling aloes  
dan kasar, menoeroet pembelie poenja perminta'an  
die tangoeng sampee menjenengken, harga per  
pond f 0.90.

Bolih dateng saksiken!

Memoedjiken dengan hormat  
Toko DJOEN & Co.

TOKO BARANG-BARANG  
H. SPIEGEL — Djokja.

ADRES JANG PALING BAIK, boeat:

Eetserviezen — Theeserviezen: f 5,75.

Perkakas dari gelas, dan perkakas dapoer;  
Kereta dan korsi boeat anak - anak;  
Tempat tidoer, lampoe gasoline, dan  
— permainan boeat anak - anak ketjil. —

Semoea barang paling djempol, dan  
moerah sekali!

TJET GILAP wedalan FRIELING model A.

kanggé ndjawi lan nglebet, namoeng kantoen ngagem.

kawadahan ing blèg, netto 10 5 2½ 1 ½ kilo;

sablèg regi 10,50 5,50 3,- 1,30 0,75;

TJET GILAP model B. kanggé ndjawi lan nglebet

namoeng kantoen ngagem; sablèg netto 10 kilo: f 8,50;

5 kilo: f 4,50.

PABRIK TJET R. B. FRIELING,

Gondhomanan 80 — DJOKJA — Telefoon no. 784.

DJAMNJA HARI ACHAD DI SEMENTARA TEMPAT ADA KOERBAN MISSA.

Ambarawa 6.30 - 8.30.	Lamah 5.30 - 6 - 8.	Pekalongan 7.30.	Soerabaja:
Amboina 7.30.	Lawang 7.	Pemalang 7.30.	Kepandjèn 6 - 7 - 9.
Bagan Siapi-api 7.30.	Madioen 6 - 7.30.	Pemangkat 8.30.	Anita Boul. 6 - 7.30 - 9.
Bandoeng 6 - 7.30 - 9.	Magelang 7 9.	Poerwokerto 7.30.	Soerakarta 6 - 7 - 8.30.
Benkoelen 7.30 - 9.	Makassar 6 - 7.30.	Poerworedjo 7 - 8.30.	Tandjoeng Balai 7.30.
Blitar 7.30.	Malang 6 - 7.15 - 8.30.	Pontianak 7 - 8.30.	Tandjoeng Karang 8.
Buitenzorg 6 - 8.	Manado 6 - 7.30.	Probolinggo 7.30.	Tandjoeng Sakti 7.30.
Cheribon 7.30.	Medan 6.30 - 8 - 8.30 (tjina).	Salatiga 7.30.	Tara-Tara 7.30.
Jem ber 7.30.	9.30 (mal.).	Sambas 6 - 8.30.	Tegal 7.30 - 9.30.
Djokja:	Medari 7.30.	Sambong 8.	Tering 7.
Kampementstraat Eur. 7 - 9.	Meester Corn. 7 - 9.	Sawah Loento 7 - 8.30.	Tjilatjap 7.30.
Jav. 6 - 8.	Mendoet 6 - 7.30.	Sedajoe 7.	Tjimahi 6 - 8.
Kota Baroe 6 - 7.30.	Modjokerto 6 - 8.	Sedjiram 5.45 - 8.30.	Tomohon 7 - 8 - 9.
Djombang 7.30.	Moentilan 5 - 6 - 8.	Semarang: 8.	Wates 7.
Fort de Kock 7.30.	Muntok 8.	Gedangan 7 - 9.	Weltevreden:
Gandjoeran 7.	Ngawi 7.30.	Bangkong 6.30 - 8.	Waterlooplein 5.45 - 7 - 9.
Gombong 7.30.	Padang 7 - 8.15 - 9 (tjina).	Tjandi 7.	Kramat 6 - 8 - 9 (mal.).
Keboemèn 7.30.	Padang Pandjang 7.30.	Randoesari 7.	Wonosobo 7.30.
Kediri 7.30.	Pajakoembo 7.30.	Singkawang 6.30 - 9.	Woloan 8.30.
Klatèn 7.30.	Palembang 7 - 9.	Soekaboemi 6 - 7.30.	
Koeta Radja 6.30 - 8.	Pasoeroean 7.30.		

1) 1e. Achad.

2) 1e. + 3e. Achad.

3) 2e. Achad.

4) 1e. Achad tiap<sup>2</sup> doea boelan.

5) 1e., 2e., 4e. Achad.

6) 2e., 4e. Achad.

7) 3e. Achad.

8) 4e. Achad.

Modin pedjah kakentès loerah-  
ipoen.

Ing Tehoeng, Loemadjang wonten  
modin kèndel. Manoet pranatan,  
modin waoe kedah njoekakaken pa-  
medaling bengkokipoen ingkang sa-  
palih dateng ingkang anggentosi.  
Samanten oegi bab paos, manoet  
pranatan inggih kedah palihan. Na-  
nging, ... modin waoe boten poeroen.  
Digoentjarjosoi wongsal - wangsoel  
wangkod kémawon. Kalampahan,  
... modin kaoendang dateng kaloe-  
rahan. Wonten ngrikoe dipoen-ge-  
nah-genahaken, ... pak modin tek-  
sih lestantoen wangkod kémawon.  
Ladjeng, ... oso-osonan, ... sengol-  
sengolan. Pak modin moering sanget,  
loerah badé kablati. Nanging ladjeng  
dipoenkentès, poen modin dawah,  
pedjah.

Loerah waoe sapoenika katahan  
politie. (N. Soer. Crt.)

Kiritya Instituut.

Nagari Kasoenanan, Kasoeltanan,  
Mangkoe Nagaran, lan Pakoe Alaman,  
kalijan Goepernoer ing nagari kalih  
pisan, sami rembagan ngawonten-  
aken Kiritya Instituut kados ing  
Bali. Kiritya Instituut poenika waoe  
sedyanipoen angajomi kasoesastran;  
toemrap Soerakarta kalijan Ngajo-  
gjakarta dados inggih ngajomi ka-  
soesastran Djawi. Déné waragad-  
ipoen badé kasanggi nagari sekawan  
waoe, poenapadéné njoewoen ba-  
géjan lotré.

MANTJA NEGARI.

AFRIKA. Dinten kijamat sam-  
poen tjelak.

Golongan Islam ing Johannesburg  
manahipoen sami ketir - ketir. Ing  
ngrikoe manoet tjarijosipoen tetjeng  
mentas wonten kèngkènan saking  
Medinah. Déné ingkang kèngkènan

sajid Ahmed djoeroe-koentji ing pa-  
saréjanipoen Mochamad. Kèngkènan  
waoe njarijosaken sapoenika sam-  
poen njaketi dinten kijamat, lan.....  
tanda-tandanipoen badé katawis bé-  
ndjing taoen 1932. Tetjeng Afrikah  
Kidoel sami dipoenèngtaken kèng-  
kènan waoe dateng bendoening Allah,  
ingkang margi kalepatan poenapa-  
déné nasaripoen para oemat. Kèng-  
kènan waoe njarijosaken, wiwit ta-  
oen 1340 (oet. 1922 taoen. Landi).  
tetjeng èstri sami toemindak saka-  
djengipoen, késah sapoeroenipoen  
tanpa palilahing tijang djalar.

Ing taoen 1350 (1932 taoen Landi),  
ing nglangit badé wonten sasmita  
awoedjoed kados tiganing ajam  
(hoenderoi); poenika mratjihnani  
kijamat sampoen tjelak.

Taoen 1360 (1942 taoen Landi),  
soerja tjalon boten katingal ing sa-  
lebetipoen tigang dinten tigang da-  
loe; manawi sampoen makaten la-  
djeng mletèk wonten sisih Kilèn,  
ambles ing sisih Wétan. Ing ngrikoe  
kori - korining pangapoenten sami  
mineb. Saladjengipoen ing taoen  
1380 (1962) sang Daggal i.p. djoer-  
oe apoelsing manoengsa, ngatingal,  
lan nabi Aasa toemoeroen dateng  
donja ingkang kaping kalihipoen.

Sajid Ahmed nerangaken kanti  
mrasoempah bilih poenapa ingkang  
katarjosaken poenika atas saking  
dawohipoen Sang Mochamad.

(De Koerier).

NERDERLAND. Tjatjahipoen se-  
pédah.

Tetjeng ing Nederlannd kénging  
kawastanan nengenaken sanget da-  
teng sepédah. Boten wonten tanah  
satoenggal kémawon ingkang nja-  
mèni Nederland ing bab migoenak-  
aken fiets.

Mitoeroet katahing paos sepédah,  
tijang saged métang katahing fiets  
ing ngrikoe.

Serat woelanan gadahanipoen Cen-  
traal Bureau kanggé statistik, amé-  
tang makaten:

1 Aug. — 31 Dec 24: . . . 1.810.700.

1925 . . . . . 2.222.739.

1926 . . . . . 2.265.625.

1927 . . . . . 2.324.501.

1 Djan. '28-31 Djoeli '29. 2.605.424.

Tjatjah-tjatjah samanten katahi-  
poen poenika, sepédah - sepédah  
kanggé poenggawa poelisi, wadya-  
bata laoetan lan daratan, boten toe-  
moet kapétang.

Dados wiwit taoen 1924 indaki-  
poen 800.000-nan sepédah.

Tenoenan Indonesia. Ing Koloniaal  
Instituut Amsterdam mentas wonten  
tentoontelling. Ing ngrikoe katah  
tenoenan-tenoenan wedalan Indone-  
sia ingkang kapitontonaken. Tenoen-  
an - tenoenan waoe ingkang katah  
saking Celebes, Molukken, Sumatra,  
pasisir Wétan, Atjih, Djambi, Palembang,  
Ing ngrikoe oegi kapitontona-  
ken wedalan Djambi.

Beksa Wétan wonten Kilèn.

Surya Thirta, njonjah bangsa Éropah  
ingkang saged beksa pinten<sup>2</sup> tjara  
Indonesia, kala December mentas  
mitontonaken beksa Bali wonten ing  
Den Haag.

Correspondent Maasbode anjari-  
josaken bilih beksa waoe soesila,  
roentoet, kebak pasemon.

SEPANJOL - MAROKO. Tro-  
wongan Gibraltar!

Wiwit taoen 1869, sampoen  
wonten sedyang anggandèng Sepanjol  
kalijan Moroko (oetawi leresipoen  
Londen — Paris kalijan Afrika Ki-  
doel-Sahara) sarana damel trowong-  
an wonten sangandapipoen soenglon  
Gibraltar. Sapoenikasampoen andoe-  
doek tjoeppenglan kalih lebetipoen  
35 meter, ing pangangkah béndjing  
kanggé margi mlebet lan medal.

Trowongan ing Tarifa sampoen  
wiwit kagarap, déné trowongan  
Sepanjol — Maroko, dèrèng katem-  
tokaken. Sanadjan minister kolonièn  
ing Sapanjol sampoen pradjandji  
badé njoekani arta kanggé kapre-  
loewan waoe nanging doemoegi  
sapriki dèrèng wonten pasok.

Sasampoenipoen kasinaoe tapis  
ing salebetipoen kalih taoen, sapoe-  
nika para sardjana saged netepaken:  
wontening trowongan ing Gibraltar  
poenika jèn kamanah tjara ngélmoe  
alam dédé barang mokal: tegesipoen  
saged kalampahan.

DJEPANG. Pagebloeg ngendat.

Ing serat-serat kabar Djepang,  
anjarijosaken bilih Osaka kénging  
kawastanan kambah pagebloegngen-  
dat. Katjorijos ing salebetipoen taoen  
kapengker tjatjahipoen tijang ngaloe  
wonten 15.000.

AFGANISTAN. Politiek poe-  
napa ingkang badé katindakaken.

Sang nata Nadir ing Afganistan  
anggijaraken dateng kawoela bab  
politik ingkang tjalon katindakaken,  
karingkes dados sadasa prakawis  
kados ing ngandap poenika:

1. Dadasar - dasar Islam dados  
dadasaripoen panggrèh.

2. Inoeman keras babar pisan  
dipoenawisi.

3. Paréntah badé ngedegaken sa-  
kolahan militèr, poenapadéné pabrik  
sendjata-sendjata gagrag énggal.

1. Lalajananipoen nagari kalijan  
nagari-nagari sanès kalastantoenaken  
kados djamaniipoen Aman Oellah.

5. Tilgram - tilgram lan tilpoen-  
tilpoen dipoendandosi.

6. Sasaged-saged badé dipoenich-  
tijari moepoe toenggakan paos.

7. Margi-margi badé dipoendan-  
dosi; kadjawi poenika badé kasrem-  
peng damel margi-margi énggal.

8. Badé migatosaken sanget lala-  
janipoen kalijan mantja nagari ing  
bab prakawis economie.

9. Onderwijs badé mawi dasar-  
dadasar modèl énggal.

10. Staatsraad dipoenlestantoen-  
aken. Ingkang mangoen kabinet,  
minister-president kanti palilhipoen  
sang praboe.

AMÉRIKA. Kasenengan ing sa-  
lebetipoen sepoer.

Saprika-saprika tetjeng Amérikah  
manawi kekésahan tebih noempak  
sepoer, sambènipoen namoeng main  
kartoe. Nanging dèrèng dangoe  
poenika directienipoen sepoer ga-  
dahanipoen nagari Chicago ngawon-  
tenaken gerbong bioscoop. Dados  
tijang ingkang wonten ngrikoe ga-  
dah sambèn ningali sorot. Lan sa-  
poenika kasenengan ing salebetipoen  
sepoer ngrikoe dipoenindaki malih,  
i. p. wonten gerbong kanggé dansah.  
Dados para nénéman wonten sepoer  
ngrikoe saged dansah sakatogipoen.  
Grebong dansah waoe rinakit saé,  
tjandèlanipoen katja wijar - wijar,  
koersnipoen kénging karingkes ngan-  
tos papan ingkang kanggé oebeng-  
oebengan saged ombèr sanget. Déné  
ingkang naboehi gramafoon - edison  
toewin radio . . .

\*\*

Jajasan Oemoem.

Manoet tjarijosipoen toewan R.P.  
Lamont secretaris-nagari babagan  
padagangan, salebetipoen taoen 1930  
poenika arta Amérikah ingkang ka-  
tandjakaken kanggé jasa jajasan oe-  
moem toewin partikelir kirang lang-  
koeng wonten 10.000 mlijoen dollar.  
Arta samanten poenika ingkang 7000  
mlijoen kanggé gedong-gedong oe-  
moem nagari, tambal soelam poe-  
napadéné jajasan sanès ingkang mi-  
goenani toemrap oemoem.